

# Հոսին

Հոսինն ունի կարոտ  
Ու անասհման թախիծ,  
Իր մեջ ունի խորհուրդ  
Ու գաղտնիքներ անթիվ:  
Այսօր լուսնի մի շող  
Ծնեց վերհուշ փոքրիկ,  
Ու թրթռաց հոգիս  
Դողդողացող հուշից:

Այսօր քո իսկ ձեռքով  
Ու իմ հոգու խորքից,  
Յոթ գույն ծխածանի  
Երկինք ուղարկվեցին:  
Իմ մեջ մնաց միայն  
Հոսին ու մի գաղտնիք,  
Ինչ-որ տխուր կարոտ,  
Ինչ-որ դեղին թախիծ:

Հոսինն ունի կարոտ  
Ու անասհման թախիծ,  
Իր մեջ ունի խորհուրդ  
Ու գաղտնիքներ անթիվ:  
Ների՛ր ինձ Տեր աստված,  
Որ լուսնի վրայից  
Ինչ-որ թախիծ իջավ  
Ու պարուրեց հոգիս: